

Formado Mike Eman

## “Facilidadnan Multi Funcional lo tin su impacto positivo pa nos desaroyo economico”



**ORANJESTAD** - Formado Mike Eman tabata tin un encuentro cu e team cu ta trahando riba e proyecto di e cinco facilidadnan Multi Funcional cu lo bay bin na Noord, Paradera, Santa Cruz, Savaneta y San Nicolas. Den e proyectonan aki tin diferente aspecto cu tin hopi relevancia pa loke ta e tarea cu formado a haya di gobernador.

### CINCO EDIFICIO, 22 MIYON FLORIN

Segun Eman, esaki tin su aspecto economico. E proyectonan aki a wordo aproba pa parlamento pa un total di 22 miyon florin y probablemente e cinco edificacionan cu ta wordo construi, cada un lo tin un balor cu ta varia entre 3 pa 4 miyon florin den construcion. Esaki sin duda lo tin su impacto positivo tambe riba e desaroyo economico den e siguiente aña.

**NOORD LO TA E PROME** Den e presentacionnan cu a haya por a mira cu probablemente e prome cu ta bay wordo construi ta esun di Noord, pero durante 2014 ta spera cu tur lo a inicia y lo ta den ehecutacion. E periodo di construcion ta mas of menos 1 aña. Esaki ta nifica cu por spera cu den e periodo di aña 2014 y posiblemente drentando parti di 2015 lo tin 5 edificio multi funcional cu lo ta den construcion cu un obhetivo hopi grandi pa mehora e servicio den e barionan, segun Eman. E cinco edificacionan aki lo bay tin den nan e facilidad

di oficina auxilia di gobierno. Tur locual ta sosodiendo na e momentonan aki na e kantoonnan existente, lo bay tuma luga na un edificio multi funcional, cu hopi mas acomodacion, hopi mas dirigi na servicio pa e cliente, cu luganan di sinta, forman pa fluho di trafico y trato na e publico cu ta bin busca un servicio, lo ta uno sumamente profesional y eficiente y ameno na e mesun momento, Eman a menciona. E TEAM Sr. Omar Harms, Juni Tromp y Anky Vrolijk ta esnan cu ta na encargo di e proyecto aki. Sr. Omar Harms, kende ta forma parti di e team di Ministerio di Asuntunan General, ta un di e personanan cu a yuda ehecuta henter e concepto di e proyecto aki. A cuminsa busca un directora general pa por supervisa y mantene e obhetivo di cada di e FMA nan aki den liña di e crecimiento grandi cu a haya den e persona di Anky Vrolijk, kende ta un persona cu conocimiento tambe for di tanto su estudio como e parti di experiencia na YMCA cu tin obhetivo similar cu FMA. Sr. Junior Tromp, di parti di Infrateam, a haci un trabao hopi importante pa e proyectonan aki a yega na e punto di ta “aanbestedingsklaar”. Un di nan ya caba a bay den destaho, cu ta esun di Noord, cual pronto lo wordo inicia.

### SOGA ARUBA LO TA DOÑO

Formado a reuni tambe cu SOGA (Stichting Onroer-

pero no ta asina. Loke a wordo haci ta hopi investigacion, reunion y papia cu hendenan di e bario mes, pa asina yega na construi un FMA pa sa kico e hendenan kier den e bario. A sinta cu muchanan di scol, a sinta cu hendenan di Centro di Bario, etc., pasobra nan lo bay keda uza e FMA nan despues. Harms a sigui bisa cu tabata importante pa haya nan input pa wak kico nan kier wak den un FMA. Door cu tabata algo nobo, a splica e idea pa muestra kico e ta y kico ta nan deseo loke nan kier wak den nan bario. Awor aki por mira cu toch, teniendo cuenta cu e trabao di infrateam, e parti financiero di SOGA, ta yegando caminda cu kier yega, cu ta casi pa construi e FMA.

### CASI KWART SIGLO

Junior Tromp a splica e parti tecnico pa loke ta MFA. Cada edificio di MFA ta mas of menos 1000 meter cuadra. E cinco edificacionan cada un tin hopi parecido na otro pa locual ta e servicionan cu lo bay tin aden. E parti di sostenibilidad tambe a tene cuenta cun’e y e explotacion di e edificio. Con cu bay bin, e lo bay wordo gehuurd for di SOGA via un Landsverordening. Esaki kiemen cu gobierno a compromete su mes pa e siguiente 20 pa 25 añanan cu SOGA pa mantene e edificacionan aki tambe. Den cuadro di esey a hiba cuenta cu tur e materialnan cu ta bay uza. A hiba cuenta cu e ambiente den cual ta situa na e momento ey y tur e facetanan. Sin lubida



end Goed Aruba) y e team di FMA. SOGA lo bira realmente propietario di e edificacionan. Gobierno lo bay huur di SOGA, pero den e proceso SOGA a tene cuenta cu e plan van eisen. Infrateam a haci un trabao grandi pa por a guia e proceso aki.

### NO TABATA FACIL

Segun Omar Harms, e proyecto aki tin un tiki mas di 2 aña ocupa y eynan por mira con hopi trabao ta wordo haci prome cu yega asina leu pa construi un edificio. Ta parce facil cu gobierno por traha un edificio dj’awe pa mañan,

### UN EDIFICIO MODERNO

Esaki ta bay ta un edificio moderno. Cada MFA lo bay haya un MFA manager y un assistant manager cu lo bay ta eynan diariamente pa maneha e luga. Nan ta bay ta luganan cu lo bay keda habri for di 8’or di mainta pa 8’or di anochi. Cada departamento den e MFA lo bay tin su propio hendenan. E manager ta responsabel pa e espacio general cu lo wordo verhuurd na e momento ey, Harms a sigui splica.

### UN COMPROMISO DI

tur e otro actividadnan rond di dje. Tromp a menciona cu ta premira si tur cos bay bon, den november actual por cuminsa cu e prome edificio di MFA na Noord.

### ENERGIA ALTERNATIVO

Den tur e edificacionan lo bay tene cuenta cu energia alternativo, solar panel y tur e diferente aspectonan cu por hinca aden y pa incorpora den e sistema. Esey ta bay conhuntamente cu e compania di utilidad tambe, Tromp a menciona. □